


臺灣文獻匯刊

■ 陳支平 主編

第二輯

第六冊

◎◎ 九州出版社
◎◎ 廈門大學出版社



臺灣文獻匯刊

第二輯 ◎ 第六冊

閩頌匯編(六)

◎◎九州出版社
◎廈門大學出版社

國頌彙編

隸碑歌 有引

閩縣

八十三翁邵伯蔭

鄉紳

皇上以神武戡叛亂眷念南服特簡

制臺姚公秉鉞八閩七年之中捐造樓船繕養

將士誓平海島以紓

南顧竟仗

天威克金厦二門遂收澎湖重地蹙之於臺灣六

十年負固海孽一旦面縛內附 伯蔭 生長海

濱自明季相傳有神碑浮出鷺門隸書隱文

廉州郡丞陳磐生載其事于大江集中至今始知

公之姓氏與海逆起滅之期蚤兆文中歷歷不爽

興朝一統曆數徵符誕生名世輔相驅除氣運先關非偶然也因作歌紀異且欣頌太平云

古今治亂常相倚數窮六十應復始憶予生當全盛日

真人已從東溟起雄鷄奮距伏草間欲撼扶桑沸海
木唐火誰懷燕雀愁莫莢正更堯甲子維時我友

懷郡丞憂天太息似賈生每云無諸城上蚩旗動
又見於越山中長庚明不應海宇晏無事轉使吾
言驗甲兵天意蒼茫難測識竹屋欣逢海外僧忽
傳神光浮片瓦恍如綠字負龍馬摩挲猶認漢時
書鼠頭鷄耳詞譏啞知君博物比張華悔未袖歸
質大雅郡丞默記重嘆嗟已知名世待王者未幾
六師定區宇郡丞裹革殉合浦此事悠悠世不聞
白頭老人時記睹恭逢

景運會風雲一統車書徧率土蠢茲遺種尙陸梁
屢張螳臂抗天斧樓船同下六將軍遙望朱崖已

斷寬赤縣且割鴻溝道何況金門與廈門彼蒼非
不厭禍亂數與人舛終莫論

帝賚我公造閩土星周十二協貞元應時始爲

天子出姓氏蚤入金滕篋自從授鉞得專征海若走
避天吳泣手麾百萬水犀軍見賊惟多乃深入直
使澎湖百戰收發蹤一一領區畫捷書飛奏

未映宮口同陽夏不言功任他拔劍狂砍地圖識
分明屬我公君不見吳童齊唱水中龍龍驤一入
吳宮空又不見緋衣兒來自東相公節度淮西通
戰亂扶危關氣數渾耶愬耶紛奚庸老夫少負敬

通癖頗疑讖文蕪史筆扶杖及觀海島清生女滅
鷄符十億始信古來成大功咸出天意非人力周
宣漢武是

今皇崧生嶽降資良弼設亭置吏遍鮫宮貌肖麒麟
定第一擊缶爲公作此歌願獻太平藏石室

長樂八十五翁程應辰

鄉紳

古來豪傑握筭以制勝抱膝三分已先訂天縱偉
人立竒功歲月姓名亦前定下士匿笑不敢視賢
者當機常默識有明季世揚海波蜃氣吹烟舉燧
燧夫吳淝浪少寧宇出沒無常間就撫竹房老友

抱杞憂暗驗星文窺曆數海上僧人亦好奇乘槎
秉燭談仙碑陸離神氣騰光怪隸文隱起黃絹辭
天生草鷄血海水卽生名世塵埃裏六甲更迭一
瞬間起滅分明有所指是時驚歎筆于書予亦推
測同踟躕誰知

聖代闢乾坤日南尙外王會圖六十年來用甲兵茫
茫潮汐逐浮鯨令公應運生不凡蚤爲瀚海之長
城扶搖萬里六月息舒

帝南顧剪荆棘定計不規旦夕謀自許直射扶桑日
神錢散給牙兵餉攜巢首請樓船將掃蕩滄溟澤

國清凱歌齊唱蓬萊上露布風飛奏

天子昔日磚文真信矣老人親獲睹太平依稀猶記
磚中旨搔來白髮悟天心擊壤高歌

元首喜

福清 毛鳴岐 鄉紳

至人天生三神器五百真元應符瑞蚤知曆數有定
歸由後徵前知不異六十年前歲甲子海水群飛
寇盜熾郡丞忽見鷺門僧爲言曾覩隸磚記中藏
隱昧不可曉徒切杞人憂夢寐

我朝聖王御六龍車書一統萬國治

閩頌匯編

特簡專征節鉞臣建牙擁燾符姓字六旬莫甲歲
已周細繹碑文無遺義草鷄大耳當殄滅閩海蕩
平從此始歡傳

聖王算百千磚上分明指掌視

吾君堯舜踵唐虞瞻雲就日同一致削平諸孽指顧
間詎容鯨鯢長作祟古來符讖豈徒然白頭老翁
洞厥秘我公籌畫神且周緩帶輕裘時按轡握竒
制勝海甸清文經武締亘天地絕口不言平吳功
敢謂勲高膺不次好尋平山壁千尋鏤鐫真又全
圖誌歌成願獻詩百篇長祝

聖主萬萬年野人扶杖觀化鑿井與耕田

候官

謝天樞

鄉紳

皇帝威靈罩四方西收昆明東樂浪負海遺孽空披猖須臾束手受冠裳賚以良弼姚之江嶽生嶽降雲飛揚憶昔長庚初耀芒瑞莢方舒一葉長是時宇內晏且康孽芽其間誰測量海水群飛草鷄翔日沉虞谷傾扶桑驅除本以資

真工誰知滋蔓尙跳梁戈船下瀨日相望蓬萊弱水嗟茫茫仁愛斯民見彼蒼預生偉人爲亂防其數乃適與之當星周運極應復昌拊髀果見動

廟廊授以節鉞靖閩疆謀雲猛雨集戎行發蹤咸領
指畫長躬涉危濤戰大洋雨師驅塵風伯颺雉尾
一炬千餘艘孫恩走竄盧循亡二門既克萬島戕
深入澎湖築受降浦誅鮫窟恣徜徉驅之不異豕
與牟神機妙算出

當陽天生李晟爲勛勳不見神磚光煇煇浮出鷺門
數亦霜人間姓字下

帝閩采吳蚤已兆龍驤直待捷書奏

未央高畫麒麟劍履香赤文長使螭龍彰稽首獻
書頌祥禘碑柳雅互頡頏升歌清廟登明堂

閩縣陳定國舉人

古今治亂必有時時至則生名世
安際會風雲戡禍亂天意冥冥不可移
周成破斧詠征伐漢文賜書通閩越
繼世承平規一統其間將相皆豪傑

興朝握符恢八方蠢茲南海阻梯航
島邊烽火連前代識者蚤爲澤國傷
草鷄號叫扶桑曉聲撼波濤勢不小
妖孽英雄常並生亂止亂力相矯何年
海底沉神磚忽起浮光光燭天識文
隱隱載時事父老相傳六十年我公
隻手拓天宇猛射潮頭發強弩蓄謀
師必出萬全革面用勦革心撫降旗
遠

遠出蓬萊六甲方週殺運回寒烟夜捲海天碧水
色山光向日開熙熙皞皞安居始車書無外周漢
比誰使我公節制專

天子知人能任使百年長治繫于斯時平時乎適相
期儒生雖不談符讖此事明明世共知

候官九十三歲何森

鄉耆

老人善記舊時事况復興衰身歷試六十年前我
三十傳聞海賊心驚悸未幾官府大點兵出征漳
州各垂淚世治日久遊寨空軍官無甲兵無弓紅
公然上岸走議論招安如徙癰芝龍芝虎好身

勢鳥紗黃蓋騎青驄家家賀喜我亦樂還珠門下
看踴躍東街博學陳郡丞家藏萬卷人卓犖鄰翁
相識頗言之謂彼憂天語荒邈我獨心關登其堂
聽說老僧隸磚確隸輒云是漢朝土兩行文字義
與古大耳草鷄拍水飛啄人血成海水聚又云滅
雞女十億雞雛之生千頭鼠此後太平一百載熙
熙皞皞有

聖王郡丞仰天指長庚東方云應

真人生祇恐雞禍見牛女六甲年中動甲兵我聞斯
言歸告婦吾曹晚歲當苦辛轉眼

天朝驅闖難一統六寓坐

神京那知草雞果夜啼引雛呼類反海涯下游四
郡人種盡東南五省邊界移老人髮白復已黃征
徭破家死兩兒細數鷄禍滿六十殺運劫數已周
極矣

今皇正怒奮神武命將討叛三藩畢閩南總制簡令
公五年山海手寧謐臺灣遊覓天水隅公日不滅
終疾散金養士誓剪滅閩外推心

乾斷決以故圖賊不復疑鷺金等閒收衽席滅賊今
公禡師樓船鼓勵東風烈天險澎湖一戰開虎

弄無波七日夕我舟師駐虎井七日先登死敵朱將

軍平陽總兵官朱公天貴令公樹人真不群公賞

奮勇先登死于砲石臺灣城上降旛起鹿耳門

軍忠勇繕養其樓船將士凡四載卒成茲功前輿櫬焚始信碑文至此驗太平

天子是吾

君女耶十億離合倚令公分明符記裏老人聞公甲

子生新年

龍飛又甲子生鄭煽亂即生公圖緯巧運興滅理

天生

聖主能任人貞符感應乃如此笑我老人九十三昨

閩頌匯編